



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CCXXXI. De augmento Vocalium Prov. Mexican. Ord. Min. S Franc. de
Observ. Discalceat.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

CCXXX.

Indicatur Beatificatio Servi Dei Petri Forerii de Mataincuria Sacerdotis Lotharingi, Reformatoris Congregationis Salvatoris nostri nuncupatae, Ordinis Canon. Reg. S. Aug.

Alia hujus Const. ed. 1729. Mart. 12. P. 5. inditta fuit Beatificatio Servi Dei Fidelis a Sigmaringa.

BENEDICTUS PAPA XIII.

Ad perpetuam rei memoriam.

Dat. 10. Janu.
1730. An. 6.

Exordium.

Laudemus viros gloriosos, qui in conversatione gentis, non secundum carnem ambulantes sed spiritu facta Carnis mortificantes non solum semetipsos, ac voluntatem suam cum omnibus terrenis desideriis abnegarunt, atque sub suavi regulari disciplina jugo obtulerunt Deo in holocaustum, verum diffusa in cordibus suis charitate, non minus de aliena, quam de propria salute solliciti, viam mandatorum Domini, ac Christianae perfectionis semitam in qua direxerant gressus suos Christi fideles verbo, & exemplo, saluberrimisque praeceptis, & institutis constanter sectari, ac tuto decurrere edocuerunt, feliciterque confecto mortali hujus aevi stadio aeternam reprobationem, ac Justitiae Coronam in Caestis Hierusalem stabilitate accipere meruerunt.

Laudes praedicti Servi Dei.

§. 1. Quos inter cum longe, lateque refulserit Dei servus Petrus Forerius de Mataincuria Sacerdos, Lotharingus, Praepositus generalis, & Reformator Congregationis Salvatoris nostri nuncupatae, Ordinis Canonico Regularium S. Augustini, necnon Institutum Monialium Congregationis sub titulo Dominae nostrae, ac Regula ejusdem S. Augustini, digna tanti Parentis sobole, quae quasi arcus refulgens inter nebulas, & quasi flos Rosarum in diebus vernis, Ecclesiam nominis sui celebritate ac spiritalium aromatum odore implevit Apostolici Ministerii, quod viribus licet & meritis longe impares divina dignatione gerimus, ratio postulat, ut illius vultui, & venerationi in terris ad Dei laudem, ipsius Ecclesiae decus, spiritualesque Populi Christiani aedificationem, potestate Nobis a Domino tradita consulamus.

A Congregatione Ratum ad illius Beatificationem devenit post se de more decretum est.

§. 2. Quum itaque mature diligenterque discussis, atque perpenis per Congregationem Venerabilium Fratrum nostrorum S. R. E. Cardinalium, Sacris Ritibus Praepositorum Processibus, de Apostolicae Sedis licentia rite, & recte confectis, super vitae sanctitate, & virtutibus heroicis, quibus idem Servus Dei Petrus Forerius multipliciter claruisse, necnon miraculis, quae ad ejus intercessionem, & ad manifestandam hominibus illius Sanctitatem a Deo patrata fuisset afferbantur, & subinde auditis per nos de more eorundem Cardinalium, ac etiam hujus Congregationis Consultorum suffragiis, assidue, ac humilibus precibus implorato prius superni luminis auxilio alias decreverimus praedictum servum Dei Beatum cum solitis indulgentis declarare.

Preces Imperatoris, & Ducis Lotharingiae.

§. 3. Hinc est, quod Nos piis, atque enixis Charissimi in Christo filii nostri Caroli Hispaniarum Catholici, & Romanorum Regis in Imperatorem electi, ac dilecti filii nobis Juvenis Francisci Lotharingiae, & Barri Ducis, & dilectae pariter in Christo Filiae nobilis Mulieris Carolae Elisabethae a Francia Lotharingiae itidem, & Barri Ducissae Viduae, necnon Venerabilium Fratrum Episcoporum Tullensis, & Virduensis, dilectorumque filiorum totius Cleri, & Populi Ducatum Lotharingiae, & Barri hujusmodi, ac universi Ordinis Canonico Regularium S. Augustini, praecipue vero dictae Congregationis Salvatoris nostri, ac insuper Monialium memoratae Congregationis sub titulo Dominae no-

strae supplicationibus Nobis super hoc humiliter porredis paterna benignitate annuentes, auctoritate Apostolica tenore praesentium indulgemus, ut idem Servus Dei Petrus Forerius in posterum Beati nomine nuncupetur, ejusque corpus, & Reliquiae venerationi Fidelium (non tamen in processibus circumferenda) exponantur, Imagines quoque radiis, seu splendoribus exornentur, ac de eo recitetur Officium, & Missa celebretur de Confessore non Pontifice singulis annis juxta Rubricas Breviarii, & Missalis Romani, die VII. Julii cum dies IX. Decembris, qua ipse Servus Dei Spiritum Creatori reddidit, & aliae plures illam subsequentes, ut notum est, impeditae reperiantur. Porro recitationem Officii, ac Missae celebrationem hujusmodi fieri concedimus in Locis dumtaxat infrascriptis; videlicet in Oppido Mirae Curiae Tullonensis Diocesis, in quo dictus Servus Dei natus est in Monasterio, seu Abbatia de Calmusiaco, Callice, Chaumoussii, ubi habitum praefati Ordinis Canonico Regularium suscepit, professionemque Regularem emisit in Oppidis Mataincuriae ejusdem Tullensis Diocesis in quo Curam Animarum obivit, ejusque Venerabile Corpus requiescit, seu depositum reperitur, & Gratii in Comitatu Burgundiae, unde ad Caelos evolavit, & ubi Corillius asservatur, ac Lunavillae, ubi prima susceptae reformationis fundamenta jecit, ab omnibus utriusque sexus Christianis fidelibus tam saecularibus, quam Regularibus, qui ad horas Canonicas tenentur, necnon in universa Congregatione Salvatoris nostri, ac Ecclesiis, sive Capellis, vel Oratoriis Congregationis Monialium sub Tit. Dominae nostrae, quas idem Dei Servus reformavit, ac respective instituit, sicut praemittitur, & quantum ad Missas attinet etiam ab omnibus Presbyteris, ad Ecclesias, in quibus Festum peragetur, confluentibus. Praeterea primo dumtaxat anno a datis hisce literis, & quo ad Indias a die, quo eadem litera illuc pervenerint inchoando, in Ecclesiis Oppidorum Monasterii, seu Abbatiae, ac utriusque Congregationis hujusmodi solemnitas Beatificationis ipsius Servi Dei, cum Officio, & Missa sub ritu duplici majori, die ab Ordinariis gratiam, & Communionem Sedis Apostolicae habentibus respective constituta postquam tamen in Basilica Principis Apostolorum de Urbe celebrata fuerint eadem solemnitas; pro qua re diem XXIX. currentis Mensis Januarii assignamus, pariter celebrandi facimus potestatem.

Indulgentur quaedam ad eundem cultum.

Solemnitas Beatificationis indicuntur.

Clausula.

§. 4. Non obstantibus Constitutionibus, & Ordinationibus Apostolicis, ac Decretis de non cultu editis, ceterisque contrariis quibuscumque.

Fides habenda transumptis.

§. 5. Volumus autem, ut praesentium literarum transumptis, seu exemplis, etiam impressis manu Secretarii supradictae Congregationis Cardinalium subscriptis, & sigillo Praefecti, seu Pro-Praefecti ejusdem Congregationis munitis, eadem prorsus fides ab omnibus, & ubique tam in judicio, quam extra illud habeatur, quae ipsis praesentibus haberetur, si forent exhibitae, vel ostensa.

Datum Romae apud S. Petrum sub Annulo Piscatoris die decima Januarii MDCCXXX. Pontificatus nostri Anno Sexto.

Confirmatur Decretum Congregationis Episc. & Regul. super augmento vocalium Provinciae S. Didaci Mexican. Ord. Min. S. Francisci de Observantia Discalceatorum.

CCXXXI.

Alia hujus Const. ed. 1729. Sept. 30. P. 6. confirmatum fuit quoddam decretum in favorem Vocalium Indiarum Occidentalium.

Dat. 13. Janu.
1730. Ann. 6.

BENEDICTUS PAPA XIII.

Ad futuram rei memoriam.

Expositio facti, & causæ, cur Congregatio prædicta præfatum decretum ediderit.

Decretum præfate Congregationis.

§. 1. **N**uper pro parte dilectorum Filiorum Josephi de Messa, & Emmanuelis de Vicunna Fratrum expresse professorum, ac Procuratorum Provinciæ Sanctæ Didaci Mexican. Ordinum Minorum Sancti Francisci de Observantia Discalceatorum nuncupatorum Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum exposito, quod alias considerata exiguitate numeri Guardianorum dictæ Provinciæ, ne propter paucitatem illius vocalium, ac divisionem, & alternativam in ea vigentem officiorum inter duas Nationes Hispaniarum, & Indicam, quibus eadem Provincia constat, libertas in electionibus coarctata foret, vigore facultatis condendi propria, & particularia Statuta Fratribus præfate Provinciæ a Sede Apostolica attributa, per quandam Constitutionem ejusdem Provinciæ cap. 9. §. 11. num. 11. ordinatum fuerat, quod in Capitulis Provincialibus præter, & ultra Vocales Definitorii, & Guardianos votum, sive suffragium haberent, qui fuerat Custos in ultimo Capitulo Generali dicti Ordinis, ac præfidentes Conventum S. Didaci Mexican., Sanctæ Barbaræ dela Puebla, Sanctæ Mariæ de Ocholoposco, Secretarius ipsius Provinciæ, si Guardianatu perfunctus fuisset, Concionatores Conventuales præfatorum Mexican., & dela Puebla, aliorumque dictæ Provinciæ Conventuum S. Francisci de Oaxaca, ejusdem Sancti Francisci de Pachuca, & Sancti Antonii Opidi Civitatis nuncupat. de Queretaro, ac demum Lector, qui Lecturam quindecim annorum in Capitulo Provinciali pro tempore celebrando explevisset, pro illa vice tantum, & alias prout in dicta Constitutione uberius dicebatur contineri, & in eadem expositione subjuncto, quod Fratres Provinciæ præfate tam enarratam Constitutionem, quam facultatem, quam habebant, quæque in viridi observantia erat, concedendi, ac tribuendi votum, seu suffragium hujusmodi quibusdam ipsius Provinciæ Officiis, ubi id necessitas, aut utilitas dictæ Provinciæ exigeret, illudque revocandi, quoties aucto Guardianorum prædictorum numero, cessaret ratio talis concessionis, voti, seu suffragii per Sedem Apostolicam confirmari cuperent; quandoquidem causa finalis augmenti Vocalium non alia foret, quam libertas electionis, quæ deesset si electio ad paucos Vocales restringeretur, cum juxta alias dictæ Provinciæ Constitutiones Definitorios Provinciales eligendi sint ex gremio ipsius Capituli Provincialis, eo quod electio fieri debeat alternative inter duas memoratas Nationes, inter quas officia, ac vota servata debita proportione divisa reperiuntur, ita ut quo amplior esset numerus Capitularium, ex quorum gremio, seu corpore electiones faciendæ veniebant, eo major foret libertas electionum, eoque facilius apti, & idonei officiales deligi, & assumi valerent: Emanavit ab eadem Congregatione Cardinalium Decretum, tenoris, qui sequitur, videlicet.

§. 2. Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium præposita, ad quam Sanctissimus Dominus Noster instantiam remisit, audita relatione P. Procuratoris Generalis, & attento suffragio Eminentissimi Corsini ejusdem Ordinis Oratoris apud S. Sedem Protectoris, referente Eminentissimo Belluga Ponente censuit rescribendum, prout præsentis Decreti vigore re-

scribit, & decernit, ut in posterum in Capitulis Provincialibus Provinciæ Oratricis, juxta Constitutiones Provinciæ, ultra Definitorium, & Guardianos habeant Jus interveniendi, ac suffragium ferendi Custos, qui fuit in immediato Capitulo Generali, Præsidentes Conventuum S. Didaci Mexici, S. Barbaræ dela Puebla, S. Mariæ de Ocholoposco, Secretarius Provinciæ, qui aliquam Guardianiam exercuit, necnon Concionator Conventualis Mexici, dela Puebla, S. Francisci de Oaxaca, S. Francisci de Pachuca, S. Antonii Gueretatis, necnon Lector, qui in eo Capitulo complevit quindecim annos Lecturæ, sed pro ea vice tantum; Ita tamen, ut Provincia hæc numerum Vocalium sub prætextu cujuslibet facultatis augere non possit, & quoties novi Conventus in ea Provincia fundentur juxta numerum quo fundentur, supra relatis novis Vocalibus demantur suffragia, incipiendo a Præsidentibus Conventuum, & deinde a Prædicatoribus, servato inter ipsos Ordine inferioritatis. Romæ 30. Septembris 1729. F. Cardinalis Lercari. Loco † Sigilli. A. Archiepiscopus Pehen Secretarius.

§. 3. Cum autem, sicut prædicti Josephus, & Emmanuel Nobis subinde exponi fecerunt, ipsi Decretum hujusmodi, quo firmius subsistat, & servetur exactius, Apostolicæ Confirmationis nostræ robore communiri summopere desiderarent. Nos ipsos Josephum, & Emmanuelem specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, supplicationibus illorum nomine Nobis super hoc humiliter porrectis inclinatis, Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate præfate Congregationis Cardinalium.

§. 4. Decernentes easdem præsentis literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab eis respectivè inviolabiliter observari, sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ac quatenus opus sit Ordinis, Provinciæ, & Conventuum præfatorum, etiam juramento, confirmatione Apostolica, aut quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, caterisque contrariis quibuscumque.

Datum Romæ apud S. Petrum sub Annulo Piscatoris die XIII. Januarii MDCCXXX. Pontificatus Nostri Anno VI.

Preces pro confirmatione.

Confirmatio relati Decreti.

Clausula.

CCXXXII.

Confirmantur Decreta duo Capituli Generalis Ordinis Minorum S. Francisci de Observantia super Moderatione Brevis Clementis XI. circa præmium conferendum Lectoribus Linguae Hebraicæ, & Controversiarum Familiæ Cismontanæ.

De Confirmatione alterius Decreti ejusdem Capituli pro prerogativis vocalium Indiarum Occidentalium vide aliam hujus Const. ed. 1729. Sept. 30. P. 6.

Dat. 19. Janu. 1730. An. 6.

BENEDICTUS PAPA XIII.

Ad futuram rei memoriam.

Facti expostio.

§. 1. Exponi Nobis nuper fecit dilectus Filius Josephus Maria ab Eboræ ex- presse professus, ac Commissarius Curie Ordinis Fratrum Minorum S. Francisci de Observantia nuncupatorum, quod in Capitulo generali ejusdem Ordinis novissime celebrato duo decreta super moderatione præmii conferendi Lectoribus Linguae Hebraicæ, & Controversiarum familiæ Cismontanæ dicti Ordinis edita, ac subinde per Nos approbata fuerunt, tenoris, qui sequitur videlicet.

Decreta prædicta.

§. 2. In nupero Capitulo generali Mediolani celebrato die 4. Junii 1729. inter alia, quæ ibi pro Cismontana Familia statuta sunt, & deinde Romæ a Sanctissimo Domino Nostro Benedicto Papa XIII. confirmata inveniuntur duo Decreta sub numero 31., & 32. tenoris sequentis: Proposita ex facultate Sanctissimi Domini Nostri moderatione Brevis Clementis XI. super præmio conferendo Lectoribus Linguae Hebraicæ, Disinitorium Generale censuit, si Sanctitatis Suae placuerit, quod si hujusmodi Lectores jam acquisierint graduationem inter ex- Definidores, connumerentur completo octavo anno inter ex- Custodes. Si autem alia graduatione non gaudeant, solum inter Exdefinidores locum habeant. - Quantum ad Lectores controversiarum Disinitorium Generale censuit si Sanctissimo placuerit, quod si non fuerint Lectores Jubilati, legant per duodennium, eoque completo, gaudeant privilegio Lectorum Jubilatorum, si vero fuerint Jubilati, legant per sexennium, & postea connumerentur inter Patres Provinciae, seu inter Lectores Jubilatos de numero, quoad præcedentiam dumtaxat sine Jure subrogandi.

Preces pro confirmatione.

§. 3. Cum autem, sicut eadem expositio sub- jungebat, ipse Josephus Maria, quo præmissa firmius subsistant, & exactius servantur, opportune a Nobis provideri plurimum desideret. Nos eundem Josephum Mariam specialibus favoribus, & gratis prosequi volentes, & a quibusvis ex- communicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum ferie absolventes, & absolutum fore cen- sentes, supplicationibus ejus nomine Nobis super hoc humiliter porrectis inclinati, Decreta præinserta jam per Nos approbata, ut præfertur, auctoritate nostra Apostolica tenore præsentium denuo approbamus, & confirmamus, illisque in- violabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint dicta au- thoritate supplemus.

Confirmatio relator. Decretor.

Clausula.

§. 4. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sorti- ri, & obtinere, ac illis ad quos spectat, & pro

tempore quocumque spectabit plenissime suf- fragari, & ab eis respective inviolabiliter obser- vari: sicque in præmissis per quoscumque Judi- ces ordinarios, & Delegates, etiam Causarum Pa- latii Apostolici Auditores judicari, & definiti de- bere; ac irritum, & inane, si secus super his a quoquam quavis auctoritate scienter, vel igno- ranter contigerit attentari. Non obstantibus præ- missis, ac Constitutionibus; & Ordinationibus Apostolicis, necnon quatenus opus sit dicti Or- dinis, aliisque quibusvis etiam juramento, con- firmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis in contra- rium præmissorum quomodolibet concessis, confir- matis, & innovatis. Quibus omnibus, & singu- lis, illorum tenores præsentibus pro plene, & suf- ficienter expressis, ac ad verbum insertis habentes, illis alias in suo robore permanens ad præmisso- rum effectum hac vice dumtaxat specialiter, & ex- presse derogamus, cæterisque contrariis quibus- cumque.

§. 5. Volumus autem, ut earundem præsen- tium literarum transumptis, seu exemplis, etiam impressis manu alicujus Notarii publici subscri- ptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in Judicio quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Petrum sub Annulo Pis- catoris die XIX. Januarii MDCCXXX, Pontifica- tus Nostri Anno Sexto.

Fides ha- benda tran- sumptis.

Confirmantur quædam literæ, sive Constitutiones Apostolicæ pro statu, & bono regimine Pro- vincia Mexicana S. Didaci Strictioris regula- ris observantia Discalceatorum S. Francisci in Indiis Occidentalibus.

CCXXXIII

Prædictæ literæ sunt Pauli V. Const. ed. 1618. Apr. 19. Urb. VIII. Const. ed. 1642. Sept. 22. Clem. X. Const. ed. 1674. Jun. 19., Clem. XI. Const. ed. 1702. Nov. 24. Et alia hujus Const. ed. 1730. Jan. 13. P. 6. confirmatum fuit quoddam De- cretum Capituli Generalis pro augmento Vocalium Fratrum ejusdem Provinciae.

BENEDICTUS PAPA XIII.

Ad perpetuam rei memoriam.

Dat. 25. Janu. 1730. An. 6.

DEbitum Pastoralis officii, quo Ecclesia Ca- tholicæ adstringimur, Nos admonet, ut pa- ternam Christianissimorum divinis obsequiis, sub sua- vi Religionis iugo mancipatorum curam gerentes, ea quæ pro felici, prosperoque eorum statu, & Regimine a Romanis Pontificibus prædecessoribus nostris provide constituta esse noscuntur, ut firma, & illibata persistant, Apostolici muniminis nostri præsidio libenter cum id a Nobis petitur roboremus.

Procerium.

§. 1. Cum itaque, sicut dilecti Filii Josephus de Massa, & Emmanuel de Vi. unna Fratres expref- se professi, ac Procuratores Provincia Sancti Di- daci Mexican., in Indiis, sive nova Hispania Ordinis Minorum S. Francisci de Observantia Excalceato- rum nuncupatorum Nobis nuper exponi fecerunt plures literæ, sive Constitutiones Apostolicæ di- versis temporibus pro salubri præfatorum Ordi- nis, & Provinciae directione emanaverint, nempe binæ felicitis recordationis Pauli V. die 19. Aprilis 1618., quarum initium est: *Alias a sel. rec. &c.* & *Dudum a sel. rec. &c.* super erectione dictæ Pro- vincia, ac respective privilegiis, & statutis Fra- trum dicti Ordinis: altera Urbani VIII. die 22. Septembris 1642., incipien, *Alias pro felici &c.*, quibus ejusmodi privilegia confirmantur, & statuta

Facti expostio.